

ილიას სახელმწიფო უნივერსიტეტში საინჟინრო ფაკულტეტზე 2013–2014 სასწავლო წლის შემოდგომის სემესტრისათვის მაგისტრატურის საფეხურზე მიღების გამოცხადების, სწავლის გაგრძელების მსურველთა რეგისტრაციის ვადების, გამოცდის თარიღისა და წარმოსადგენი დოკუმენტაციის შესახებ

„უმაღლესი განათლების შესახებ“ საქართველოს კანონის 22-ე მუხლის პირველი პუნქტის, საქართველოს განათლებისა და მეცნიერების მინისტრის 2012 წლის 6 ნოემბრის №235/ნ ბრძანებით დამტკიცებული ა(ა)იპ ილიას სახელმწიფო უნივერსიტეტის წესდების მე-17 მუხლის პირველი და მეორე პუნქტის, საქართველოს განათლებისა და მეცნიერების მინისტრის 2009 წლის 22 აპრილს №227 ბრძანებით დამტკიცებული „სამაგისტრო გამოცდების ჩატარების დებულებისა და სახელმწიფო სასწავლო სამაგისტრო გრანტის განაწილების წესის დამტკიცების შესახებ“ 29-ე მუხლის საფუძველზე, საინჟინრო ფაკულტეტის დეკანის მოვალეობის შემსრულებლის მიხეილ ელაშვილის 2013 წლის 5 ივნისის №03-9631/13 და 2013 წლის 14 ივნისის №03-9964/13 სამსახურებრივი ბარათების, უნივერსიტეტის ხარისხის უზრუნველყოფის სამსახურის უფროსის 2013 წლის 6 ივნისის №03-9668/13 სამსახურებრივი ბარათის საფუძველზე

ვბრძანებ

1. გამოცხადდეს მიღება 2013-2014 სასწავლო წლის შემოდგომის სემესტრისათვის ილიას სახელმწიფო უნივერსიტეტის საინჟინრო ფაკულტეტის მაგისტრატურის საფეხურზე ქვემოთჩამოთვლილ პროგრამებზე:

ა) ფიზიკისა და ასტრონომიის სამაგისტრო პროგრამა (ელემენტარულ ნაწილაკთა ფიზიკა და კოსმოლოგია, თეორიული ასტროფიზიკა, ვარსკვლავთ და გარეგანაქტიკური ასტრონომია, მზის ფიზიკა, კოსმოლოგია, ატმოსფეროსა და იონოსფეროს ფიზიკა, ბიოფიზიკა); ტესტის ტიპი –E.

ბ) საზღვაო კვლევები; ტესტის ტიპი –C;

გ) არქეოლოგია; ტესტის ტიპი –C;

დ) თანამედროვე არქიტექტურა და მდგრადი განვითარება; ტესტის ტიპი –C;

ე) დედამიწის შემსწავლელი მეცნიერებები (გეოლოგია, გეოფიზიკა, გეოგრაფია, და GIS ტექნოლოგიები, მეტეოროლოგია) ტესტის ტიპი –A;

ვ) პროგრამული ინჟინერია; ტესტის ტიპი –C;

ზ) კომპიუტერული გრაფიკა; ტესტის ტიპი –C;

თ) ახალი მასალები ნანოელექტრონიკისა და ნანოინჟინერიისათვის. ტესტის ტიპი –C;

2. 2013-2014 სასწავლო წლის შემოდგომის სემესტრში ილიას სახელმწიფო უნივერსიტეტის საინჟინრო ფაკულტეტის მაგისტრატურის საფეხურზე სწავლის გაგრძელების მსურველმა მაგისტრანტობის კანდიდატებმა განაცხადი უნდა გააკეთონ

2013 წლის 1 აგვისტოდან 30 აგვისტოს ჩათვლით, ყოველდღე შაბათ-კვირის გარდა 10:00 საათიდან 18:00 საათამდე, (ქაქუცა ჩოლოყაშვილის გამზ. ოთახი E406, პასუხისმგებელი პირი ანა ბერძენიშვილი).

3. მაგისტრანტობის კანდიდატმა რეგისტრაციისათვის უნდა წარმოადგინოს:

ა) განაცხადი;

ბ) პირადობის მოწმობა და მისი ასლი;

გ) საერთო სამაგისტრო გამოცდის სერთიფიკატი, ასეთის არარსებობის შემთხვევაში-სამაგისტრო საგამოცდო პლასტიკური ბარათი და მისი ასლი;

დ) ორი ფოტოსურათი და ელ.ვერსია ელექტრონულ მატარებელზე(CD);

ე) უმაღლესი განათლების დამადასტურებელი დოკუმენტის - დიპლომის სანოტარო წესით დამოწმებული ასლი, ან შესაბამისი უმაღლესი საგანმანათლებლო დაწესებულების მიერ გაცემული ცნობა შესაბამისი ხარისხის მინიჭების შესახებ;

ვ) სამხედრო აღრიცხვაზე ყოფნის დამადასტურებელი დოკუმენტი (მხოლოდ ვაჟებისთვის);

4. 2013-2014 სასწავლო წლის შემოდგომის სემესტრისათვის ილიას სახელმწიფო უნივერსიტეტის საინჟინრო ფაკულტეტის სამაგისტრო პროგრამებზე ჩარიცხვის მსურველ რეგისტრაციაგავლილ მაგისტრანტობის კანდიდატებს გასაუბრება ჩაუტარდეთ 2013 წლის 2-6 სექტემბერს (საინჟინრო ფაკულტეტი, ნუცუბიძის 77, ოთახი № 217).

5. ილიას სახელმწიფო უნივერსიტეტის საინჟინრო ფაკულტეტს დაევალოს 2013 წლის 6 სექტემბერს გამოცდებგავლილ მაგისტრანტობის კანდიდატთა შეფასებები განათავსოს უნივერსიტეტის ვებ-გვერდზე.

6. მაგისტრანტობის კანდიდატმა საპრეტენზიო განაცხადი ილიას სახელმწიფო უნივერსიტეტის მიერ ჩატარებული გამოცდის შედეგების შესახებ უნდა წარადგინოს უნივერსიტეტში 2013 წლის 9 სექტემბრიდან 11 სექტემბრის ჩათვლით 10:00 საათიდან 18:00 საათამდე, (საინჟინრო ფაკულტეტი, ნუცუბიძის 77, ოთახი №201).

7. ილიას სახელმწიფო უნივერსიტეტის საინჟინრო ფაკულტეტს დაევალოს მიაწოდოს სამდივნოს უნივერსიტეტის ვებ-გვერდზე განთავსების მიზნით 2013 წლის 12 სექტემბერს გამოცდებგავლილ მაგისტრანტობის კანდიდატთა შეფასებები და სამაგისტრო გამოცდების კოეფიციენტებით რანჟირების დოკუმენტი აპელაციის შედეგების გათვალისწინებით.

8. იმ მაგისტრანტობის კანდიდატებთან ხელშეკრულების გაფორმება, რომლებმაც წარმატებით გაიარეს ერთიანი სამაგისტრო და შიდასაუნივერსიტეტო გამოცდები და

სამაგისტრო გამოცდების კოეფიციენტებით რანჟირების დოკუმენტის მიხედვით მოიპოვეს ილიას სახელმწიფო უნივერსიტეტის სამაგისტრო საფეხურზე სწავლის გაგრძელების უფლება, დაიწყება 2013 წლის 13 სექტემბრიდან და გაგრძელდება 18 სექტემბრის ჩათვლით, ყოველდღე შაბათ-კვირის გარდა 10:00 საათიდან 18:00 საათამდე, მის: ნუცუბიძის 77, ოთახი №201.

9. მაგისტრანტობის კანდიდატს ხელშეკრულების გასაფორმებლად წარმოდგენილი უნდა ქონდეს ამ ბრძანების მესამე პუნქტით დადგენილი ყველა დოკუმენტაცია და ამ ბრძანების მე-8 პუნქტით განსაზღვრულ ვადებში უნდა გააფორმოს უნივერსიტეტთან ხელშეკრულება.

10. საინჟინრო ფაკულტეტს დაევალოს მაგისტრანტობის კანდიდატებთან ხელშეკრულების გაფორმების უზრუნველყოფა მხოლოდ კოეფიციენტებით რანჟირების დოკუმენტისა და ამ ბრძანების მე-3 პუნქტით გათვალისწინებული დოკუმენტაციის საფუძველზე.

11. ის მაგისტრანტობის კანდიდატები, რომლებიც ამ ბრძანების მე-8 პუნქტით დადგენილი ვადაში არ გამოცხადდებიან უნივერსიტეტში და არ გაივლიან რეგისტრაციას, კარგავენ უნივერსიტეტში ჩარიცხვის უფლებას, გარდა საქართველოს კანონმდებლობით გათვალისწინებული შემთხვევებისა.

12. საინჟინრო ფაკულტეტს დაევალოს უნივერსიტეტის რექტორს 2013 წლის 19 სექტემბრის ჩათვლით წარუდგინოს იმ მაგისტრანტობის კანდიდატთა სია, ვინც გააფორმა უნივერსიტეტთან ხელშეკრულება.

13. დაევალოს საინჟინრო ფაკულტეტს და სამდივნოს ამ ბრძანების გამოქვეყნება უნივერსიტეტის ვებ-გვერდზე.

14. უნივერსიტეტის კანცელარიას დაევალოს ამ ბრძანების დაინტერესებულ პირთათვის საჯარო წესით გაცნობა.

15. უნივერსიტეტის კანცელარიას დაევალოს, მიაწოდოს ამ ბრძანების ასლები სამდივნოს, ხარისხის უზრუნველყოფის სამსახურს, იურიდიულ სამსახურს, საინფორმაციო ტექნოლოგიების სამსახურს, საინჟინრო ფაკულტეტს.

რექტორი

გიგი თევზაძე